


AVANNAATA KOMMUNIA



**TAPIISARNERMUT
ILEQQOREQQUSAQ**
2026

§ 1: Siunertaq:

- Peqatigiiffiit tamaasa piorsarsimassutsikkut aaqqissuussinerini angalanermut aningaasartuutitut aammalu ininik attartornermut silamilu ingerlatsinerit tapiissuteqarfiginerisigut tapersersornissaat
- Avannaata Kommuniani najukkami kulturikkut aaqqissuussat tapersersussallugit
- Uannga ileqqoreqqusamik tunngaveqartumik tapiiffigineqassagaanni Avannaata Kommuniani najungaqartuunissaq piumasaqaataavoq
- Uannga ileqqoreqqusamik tunngaveqartumik piorsarsimassutsikkut aamma timersornikkut tapiiffigineqassagaanni aaqqissuussaq Avannaata Kommuniani ingerlanneqassasoq piumasaqaataavoq

§ 2: Inatsisit tunngavigineqartut:

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut Inatsisaat nr. 5, 6. juni 2016-imeersoq
- Timersorneq timigissarnerlu pillugit Inatsisartut Inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq

§ 3: Peqatigiiffimmut tapiissutininik tunineqarnermi piumasaqaatit:

Imm. 1: Kulturikkut ingerlatsineq sunngiffimmilu sammisassaqaqtitsineq pillugit Inatsisartut Inatsisaat nr. 5, 6. juni 2016-imeersumi kiisalu Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersumi siunertat allassimasut peqatigiiffiup naammassisimassavai.

Imm. 2: Pilersitsinertalimmik ataatsimeersuartitsisoqareersimassaaq.

- Peqatigiiffik minnerpaamik qulinik ilaasortaqaarnissaa, saniatugut tapersersuisussanik ilaasortaqaassalluni.
- Peqatigiiffiup ileqqoreqqusaani aalajangersakkat naapertorlugit ataatsimeersuartoqassaaq.
- Ileqqoreqqusaq naapertorlugu siulersuisuni ilaasortassanik qinersinerit ingerlanneqassapput.

Imm. 3: Peqatigiiffik Avannaata Kommuniani najugaqavissuussaaq.

Imm. 4: Ukiut tamaasa maajip 15-iat sioqqullugu naatsorsuutit akuerineqarsimasut kommunimut tunniunneqartassapput najukkami Peqqinneq Sunngiffiullu aqutsisuanut.

- Ilaasortat amerlassusaat, ilaasortaanermut akiliutissaq, pigisat aningaasallu uninngasuutit naatsorsuutini allassimassapput
- Akiitsut kiisalu pigisat nalillit ilanngullugit allassimasassapput
- Ataatsimeersuarnermi kukkunersiuisussatut toqqarneqartumit naatsorsuutit kukkunersiorneqassapput. Kukkunersiuisoq naatsorsuutini akuersisassaaq

Imm. 5: Ukiup tullissaanut sammisassanut pilersaarut najukkami Peqqinneq Sunngiffimmullu kingusinnerpaamik 31. januar nassiunneqarsimassaaq.

Ersarissaaneq: Unammiartoqassatillugu imaluunniit angalasoqassatillugu taamatuttaaq annertunerusumik sutitsisoqartoqassatillugu nalunaarusiortoqassaaq.

Imm. 6: Angalanernut tapiissuteqartartoqarsinnaavoq, angallat ilaasoqarluni angallassinissamut akuerisaappat aamma isumannaallisaanikkut atortunik tulluuttunik peqarpat soorlu VHF-radio, GPS, ajunaalernermi qummoroortaat, ilaasunut tamanut annanniutit puttaqqutit aamma annanniut/gummibåd aquuterallik. Kiisalu angalaniarnermi pinngitsoorani ingiaqateqarnissaq qulakkeerneqartassaaq. Meeqqanut tunngatillugu angajoqqaat ilisimatinneqarsimassapput aamma akuersitillugit atsiortinneqarsimassallutik.

- 6.a Angallatinik attartornermi piumasaqaatit isumaqatigiissutillu isumannaarneqarsimassapput
- 6.b Namminerisamik qamuterallik angalaneq pissappat, angallassisoq/aquttoq satellitsikkut oqarasuaammik imaluunniit nalunaarasuartaateqqamik allatanik tiguisinnaasumik nassitsinnaasumillu nassataqassaaq
- 6.c Innersuussutigineqarpoq angallasinissaminut akuerisaasumik attartortoqassasoq
 - o KNAPK aamma SQAPK akigitai atorineqassapput kisianni akikinnerusumik neqeroorusiortitsisoqarsinnaavoq
 - o Attartornissaq sioqqullugu isumaqatigiissusiortoqarsimassaaq

Ileqqoreqqusaq una naapertorlugu kattuffinnut tapiissuteqartoqarsinnaanngilaq.

§ 4: Taperneqarnissamut qinnuteqaatit piumasaqaatitai:

Qinnuteqarnermi immersugassaq:” Avannaata Kommunia-nit tapiiffigineqarnissamut qinnuteqaat”.

Imm. 1: Qinnuteqaat siunertaq qinnuteqaatigineqartoq pillugu paasissutissanik, angalanermut aningaasartuutit takussutissartaannik aamma aningaasat tapiissutigineqartussatut qinnutigineqartut

annertussusaanik imaqartinneqassaaq. Tapiissuteqarfigineqarnissamut qinnuteqartoqassaaq angalanissaaq ikinnerpaamik ullunik 10-inik sioqqullugu.

Imm. 2: Peqataasut aqqi ullorlu inunngorfiat ilanngullugit qinnuteqaammut ilanngussatut kakkiunneqassapput.

Imm. 3: Timersornermut siunertalimmut qinnuteqarnermi ilanngunneqassaaq uppersarsaat aqqissuussaaq Kalaallit Nunaanni Timersoqatigiiffiit Kattuffiata aqqissugaringaa imaluunniit akuerisarigaa.

Imm. 4: Peqatigiiffiit peqatigiiffinnik allanik suleqateqarlutik angalatitsinissatik aqqissuussinissartilluunniit eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput.

Imm. 5: Suliamik suliarinninnissaaq aallartissaaq paasissutissat tamaasa kommunimi immikkoortortaqaqfimmu Peqqinneq Sunngiffillu-mut tunniunneqarpata. Qinnuteqarnissamut piffissaliussaaq malinneqanngippat peqatigiiffik qinnuteqaamminik itigartitaasinnaavoq.

Imm.6: Peqatigiiffiit ukiumi tapiiffigineqarnerit amerlassusaat naapertorlugit sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Imm. 7: Aqqissuussanut taperneqartussanut kingumoortumik qinnuteqartoqarsinnaanngilaq.

§ 5: Tapiissutininik atuisimanermut uppersarsaatit:

Tapiiffigineqarnissamut qinnuteqaammi anguniakkatut allassimasut naapertorlugit tapiissutit tamarmiisut imaluunniit ilaannakortut atorneqarsimanngippata tapiissutit atunngitsuukkat Avannaata Kommunianut utertinneqassapput.

- Atunngitsuukkat utertinneqanngippata nutaamik qinnuteqaasiornermi itigartitsisoqassaaq atunngitsuukkat peqatigiiffimmiit Avannaata Kommunianut utertinneqarnissaata tungaanut

§ 6: Aningaasaliissutininik sinaakkusiussat:

Imm. 1: Kommunalbestyrelsen missingersuutininik suliaqarnermini ukiumoortumik aningaasat tapiissutissat annertussusaat aalajangersartarpai.

Imm. 2: Kommunimi najugaqarfinni tamani innuttaasut amerlassusaat malillugit tapiissutit annertussusilersorneqartarput aamma agguanneqartarput.

Imm. 3: Peqatigiiffiup CVR-nr. -issani, Akileraartarnermut Aqutsisoqarfimmit, Namminersorlutik Oqartussaniittumit pissarsiarereerpagu, aallartitsinermut kr. 1.000,-it tungaanut tapiissutininik pissarsisinnaavoq, peqatigiiffilli Bankkonto-mik peqassaaq.

Imm. 4: Peqatigiiffik pisortatigoortumik nuna tamakkerlugu unammersuarnermik aaqqissuisoq 40.000 kr.-it angullugit tapiiffigineqarsinnaavoq, taakku ullormusiaqartitsinermut imaluunniit inunnut ajunngitsorsiassatut atorneqagqusaanngillat. Tapiissutit kr. 40.000,-it atornerinut nassuiaat, aaqqissuussinerup ingerlanneqarnerata kingorna kingusinnerpaamik qaammatip ataatsip qaanngiunnerani nassiunneqassaaq.

- Kommuniimi immikkoortortaarfik Peqqinneq Sunngiffillu tapiissutit utertinneqarnissaannik piimasaqarsinnaavoq, tapiissutinik atornerluisoqarsimappat

Imm. 5: Peqatigiiffiit Avannaata Kommunianut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7: Timersornermik siunertallit tapiissuteqarfigineqartarneri:

Imm. 1: Aaqqissuussinermi ataatsimi iligiit angalanissamut aningaasartuutissaannut tapiissuteqartoqarsinnaavoq:

- Ilulissat: Inersimasut angalanermut 65%-imik aningaasartuutitut tapiisoqartassaaq Kalaallit Nunaanni Timersoqatigiit Kattuffiata aaqqissuussaanut akuerisaanullu pissartanngorniunnissamut anngunniunnernut aamma ajugaanniutivinnernut
- Uummannaq: Inersimasut angalanermut 70%-imik aningaasartuutitut tapiisoqartassaaq Kalaallit Nunaanni Timersoqatigiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Upernavik: Inersimasut angalanermut 75%-imik angalanermut aningaasartuutitut tapiisoqartassaaq Kalaallit Nunaanni Timersoqatigiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Qaanaaq: Inersimasut angalanermut 80% aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Avannaata Kommuniani meeqqat inuusuttullu 18-it ataallugit ukiullit angalanissaannut aningaasartuutit tamarmiusut 100%-mik matussuserneqartassapput. Aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut. Meeqqanut inuusuttuaqqanullu 18-it inorlugit ukiullit angalanerannut inersimasunik pingasunik, matumani sungiusaasumik, aqutsisumik, paarsisumillu angalaqateqarnissaminnut tapiiffigineqarsinnaapput
- Nunani avannarlarni meeqqanut inuusuttuaqqanullu 18-it inorlugit ukiulinnut ukiumut angalanerq timersoqatigiiffimmi timersuummut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarnertut, tamatumani hold-inut arlariinnut unammisoqassalluni. Assersuut: Danmark Mesterskab-imut peqataaneq

- Avannaata kommuniani unammiaarnerni meeqqaniit inersimasunut utoqqarnullu hold-i ataaseq annerpaamik 40%-imik angalanermut taperneqarsinnaavoq
- Nunanut allanut angalalluni sungiusariarnernut tapiissuteqartoqarneq ajorpoq
- Utoqqaat siusinaartummillu suliunnaarnersiutillit peqatigiiffii timersornerannut aningaasartuutissat tamarmik 100%- imik matussuserneqartarput. Fitness, timigissartarfiit / Motion, timersortarfinnilu atuisarnerannut atuuppoq
- Utoqqaat siusinaartumillu suliunnaarnersiutillit peqatigiiffii nunarput tamakkerlugu unammersuaarlutik angalanissaannut aningaasartuutaasut 60%-iinik taperneqarsinnaapput
- Utoqqaat siusinaartumillu suliunnaarnersiutillit peqatigiiffii nunani avannarlerni timersornernikkut unammiarlutik angalaneranni iligiit ataatsit 25%-imik taperneqarsinnaapput

Imm. 2: Meeqqat inuusuttullu 17-it angullugit ukiulinni timersornerup iluani immikkut malunnaateqarluni piginnaanilimmullu tapiisoqarsinnaavoq – Aningaasat tapiissutigineqartut timersornikkut siuariaateqartumik ineriartortitsinermi aningaasartuutitut matussusiinermut atorineqassapput.

Imm. 3: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atortunik attartornermut, ukiumoortumik Fodboldskolemut aamma Håndboldskole-mut Tae Kwon Do-mut Kidsvolley-imut Arctic Sports-imut, sulorartartunullu ilinniartitsinernilu taakkunani atortunut, aningaasartuutit tamarmiusut 100 %-mik matussuserneqartassapput.

Imm. 4: Nammineq pigisumi Uummannami inuusuttut 18-it inorlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 100 %-ii matussuserneqartassapput.

Imm. 4a: Nammineq pigisumi Uummannami timersortarfinni timersoqatigiiffiit sammisaqartinneqarnerini inersuarmi attartornermut aningaasartuutit 90 %-ii matussuserneqartassapput.

Imm. 5: Timersortarfinni tamani illup iluani silamilu meeqqat 17-it tikillugit ukiullit timersornermik sammisaqartinneqarnerini atortunik attartornermut aningaasartuutit ukiumoortumik akuerineqartut malillugit “Kommunemi Akigitat” atorlugit matussuserneqartassapput.

- Inersuarmik timersornermut atuineq akeqanngilaq

Imm. 6: Ukioq timersorfiusoq naapertorlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, timersuummi ataatsimi sungiusaasumut ataatsimut 15.000,- kr.-it tapiissutitut tunniunneqarsinnaapput. Ukioq timersorfiusoq septemberimiit maj/junimut sungiusaasutut ingerlatsisimanermut uppersaasat, tapiissuteqarfigineqarnissamik qinnuteqaammut ilanngullugu peqatigiiffiit timersoqatigiiffillu siulersuisuniik nassiunneqassaaq, meeqqanik sungiusaasuunermi meeqqanik pinnerliisimannginnermut uppersaasat ilanngullugu.

Imm. 7: AWG-imi, Inuit Games-ini aamma Island Games-ini assigisaanillu peqataanermi, Avannaata Kommuniiani najugaqartumut Nuna tamakkerlugu holdikkaarluni unamminermi peqataasumut ataatsimut kaasarfimmunik kr. 1.000,-inik tapiissuteqartoqarsinnaavoq.

Imm. 8: Timersoqatigiiffiit 18 inorlugit ukiulinnut sungiusartartunut sungiusaasut ukioq timersorfik aallartinnginnerani ukiut tamaasa (sæson) meeqqanut pinerluuteqarsimannginnermik uppersaammik Peqqinneq Sunngiffimillu tunniussisassaaq.

Imm. 8a: Ukioq sungiusarfiusumut børneattest 1. januar aammalu 31. december atuutsinneqartassaaq, ukiullu tamaasa nutarterneqartassalluni.

§ 8: TIMERSULLAMMAK-ttut nersorinninneq

Imm. 1: Illoqarfinni” Ukiup Timersullammaatut nersornaasiineq” annerpaamik kr. 3.000,-inik aningaasartaqartassaaq. Timersornerullu iluani nersornaasiinernut allanut inummut ataatsimut illoqarfinnilu tamani nunaqarfiit ilanngullugit annerpaamik kr. 1.000,-inik aningaasartaqartassapput.

Ukiup Timersullammaatut nersornaasiinerit imaluunniit nersornaasiinerit allat ukiup naalernerani ukiulluunniit nunaq aallartinnerani nalliuttorsiualaarnermi ingerlanneqarsinnaapput.

- Ukiup Timersullammaanik toqqaaneq ataatsimiititaliamit (Komité-mit) isumagineqassaaq. Ataatsimiititaliami inuit tallimat ilaasortaassapput, taakkuussallutillu timersoqatigiiffiit innersuussaanik toqqaasussat. Timersoqatigiiffinniik innersuunneqarsimasut maleruaqqusat malillugit innersuunneqarsimasut piukkunnarnersiorlugit toqqaassapput. Ataatsimiititaliaq (Komité) makkunanga ilaasortaqaassaaq:
- Najukkami peqqinneq sunngiffimmit aallartitaq
- Najukkami ataatsimiititaliamit aallartitaq
- Ukiut ingerlanerani sumiiffimmi timersullammattut toqqagaanikoq
- Ukiut ingerlanerani sumiiffimmi timersullammattut toqqagaanikoq
- Najukkami timersoqatigiiffimmiit sinniisoq aallartitaq

Imm. 2: Avannaata Kommuniiani ”Ukiup Timersullammaatut nersorinninneq” annerpaamik kr. 5.000,-inik aningaasartaqartassaaq, timersornerullu iluani sumiiffigisaminni innuttaasunut sunniuteqarluartumik suliniuteqartunut tunniunneqartassalluni.

- Avannaata Kommuniiani ”Ukiup Timersullammaatut nersorinninneq”-mut innersuussutit timersoqatigiiffinnut innuttaasunullu tamanut kina ”Ukiup Timersullammaatut” toqqarneqassanersoq siunnersuutitik tunniussereersimasassapput 1.december nallertinnagu illoqarfinni sumiiffigisani immikkoortortamut ”Peqqinneq Sunngiffik”-mut
- Toqqaaniarnermi sumiiffinnit komité-t tunngavilersorluakkamik inummik ataatsimik innersuussinerisigut toqqaasoqartassaaq. Komité-t 15. december nallertinnagu

innersuussereersimasassapput

- “Ukiup Timersullammaatut nersorinnineq”-mi Komite-mi toqqaasassapput; Politikikkut qinikkat sinnerlugu Borgmester, Peqqinneq Sunngiffimmilu aqutsisut

§ 9: Piorsarsimassutsikkut aaqqissuussat tapiissutegarfineqartarneri:

Imm.1: Peqatigiiffiit § 3-mi piumasaqaatinik naammassinnittut Avannaata Kommuniani piorsarsimassutikkut aaqqissuussanut tapiiffigineqarsinnaapput.

- Peqatigiiffiit imaluunniit qinnuteqartut namminneq inoqarfimminni aaqqissuussanut, suliniutinut imaluunniit piorsarsimassutsikkut ineriartortitsinerimut innuttaasunik peqataaffigineqarsinnaasumut atorsinnaasaminnik tapiiffigineqarsinnaapput.
- Aaqqissuussamut annerpaamik kr. 40.000,- tapiissutigineqarsinnaavoq
- Tapiissutit aamma atorneqarsinnaapput angalanermut aningaasartuutitut, soorlu illoqarfimmut nunaqarfimmulluunniit aaqqissuussiffiusumut, siunertaq kulturikkut suleqatigiinnermut aammalu Kalaallit Nunaanni imaluunniit nunat akornanni piorsarsimassutsikkut avitseqatigiinnermut tunngappat. Angalanerisa aningaasartuutaannut illoqarfikkuutaarlugu %-it aaliangersimasooq tunniunneqarsinnaavoq. Ilulissat: Inersimasut angalanermut 65%-mik aningaasartuutitut tapiisoqartassaaq. Uummannaq: Inersimasut angalanermut 70%-mik aningaasartuutitut tapiisoqartassaaq. Upernavik: Inersimasut angalanermut 75%-mik aningaasartuutitut tapiisoqartassaaq. Qaanaaq: Inersimasut angalanermut 80%-mik aningaasartuutitut tapiisoqartassaaq. Avannaata Kommuniani meeqqat inuusuttullu 18-it ataallugit ukiullit aningaasartuutit tamarmiusut 100%-mik matussuserneqartassapput

Imm. 1a: Ukunnunnga atuuppoq:

1. Innuttaasunik paasititsiniaaneq, soorlu assersuutigalugu kulturi timersornerlu pillugit paasititsiniaanerit
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit
3. Najukkami peqatigiiffiit
4. Isiginnaartitsinerit, erinarsornerit aamma nipilersornerit, uani Festival ilanngullugit
5. Filmertitsinerit aamma videortitsinerit
6. Nipilersukkanik aammalu video-lianik saqqummersitsinerit
7. Atuakkanik saqqummersitsinerit

Imm. 1b: Nipilersukkanik video-lianik saqqummiinissamut qinnuteqartoqarsinnaavoq. Qinnuteqarnermi annerpaamik kr. 40.000,- tapiisoqarsinnaavoq. Immiussinermi tapiissutit atortut amigaatinut atungassiatut qinnuteqaatigineqarsinnaanngillat.

Imm. 2: Ukioq sammisassaqaqtitsiviusoq tamakkerlugu meeqqanut inuusuttuaqqanullu 17-it tikillugit ukiulinnut piorsarsimassutsikkut sammisaqaqtitsisutut ingerlatsisimagaanni, sungiusaasumut ataatsimut kr. 5.000,-it tapiissutitut tunniunneqarsinnaapput. Ukioq sammisassaqaqtitsiviusoq septemberimiit maj/junimut sammisaqaqtitsisutut ingerlatsisimanermut uppersaasat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq.

Imm. 3: Piorsarsimassutsikkut sammisaqaqtuni 18 inorlugit ukiulinnut sungiusartartunut sungiusaasut ukioq piorsarsimassutsikkut suliaqaqtut aallartinnginnerani ukiut tamaasa (sæson) meeqqanut pinerluuteqarsimannginnermik uppersaasammik Peqqinneq Sunngiffimmiit tunniussisassaaq.

Imm. 4: Kommuni aningaasaliissutigisimasaasa takussutissartaat naatsorsuutit suliarineqarneranni ilanngullugu takusassiarineqartassapput.

Imm. 5: Avannaata Kommuni innuttaasumik immikkut Nersorinnissinnaaneq – Ilinniakkamik naammassisumut nersorinninnermi immikkut angusarissaarsimaneq tunngavigalugu. Assersuutigalugu najugaq qimmanagu ilinniakkamik naammassinninnermi angusarissarissaarsimanermi nersorinninneq. Annerpaamik kr. 3.000,- tapiissutigineqarsinnaapput.

§ 10: Avannaata Kommuni Nersorinninneq

Illoqarfinni, eqqaanilu inoqarfinni mikinerusuni ataatsimoorussamik ”Nersorinninneq” inuiattut ullorsiornermi malunnartitsilluni sassaallernermi tunniunneqartassaaq.

Toqqammavilersuilluarsimanissaq pingaaruteqarmat, imaanngittoq ukiut tamaasa nersorinnittoqassasoq. Annerpaamik nersorniarteqartoq ataaseq kr. 5.000,-nik aningaasartaqartassaaq, annerpaamik marlunnik nersorinnissinnaaneq ingerlanneqarsinnaavoq. Nersorinninnermi innuttaasoq, peqatigiiffik, suliffeqarfilluunnit nersorneqarsinnaapput, immikkuullarissumik inuiaqatigiinnut sunniuteqarsimasut.

- Nersorinninnissamut toqqaanissamut illoqarfinni, eqqaanilu inoqarfinni mikinerusuni ataatsimoorussamik kommuneusimasuni immikkut komitemik pilersitsissapput. Taakkuussallutillu nersorniangaasamik innersuussanik toqqaasussat. Komitemi makkunanga inuttaqartumit:
- Borgmesteri, sumiiffimmi qiningaq (pisinnaangippat tullia), sumiiffimmi illuatungiliuttuni qinerneqarnerpaaq. Immaqaluunniit sumiiffinni assigiinngittuni qiningaq, partiit borgmesteriutitaqartuni amerlanerpaanit qiningaq, illuatungiliuttuniillu qinerneqarnerpaaq
- Sumiiffimmi Peqqinneq Sunngiffimmi aqutsisoq allattaassooq

§ 11: Avannaata Qimussersuanut tapiissutinik qinnuteqarsinnaaneq

Imm. 1: Qimussimik Kalaallit Nunaanni pissartanngorniunnermut, angalanernut aningaasartuutitut 40% tapiissutigineqarsinnaapput. Angalanermi aningaasartuutitut tapiissutit ukiumoortumik piorsarsimassutikkut siunertanut illoqarfimmut atugassiissutigineqartut annerpaamik pingajoraarterutaat, tassa 33% qaangissanngilaa.

§ 12: Akuersisinnaatitaasut:

Imm. 1: Qinnuteqaammi aningaasat 100.000 koruunit inorlugit aningaasartallit sumiiffimmi Peqqinneq Sunngiffik-immi immikkoortortap aalajangigassanngortillugit nassiunneqartassapput.

Imm. 2: Qinnuteqaammi aningaasat 250.000 koruunit inorlugit aningaasartallit Peqqinneq Sunngiffimmi ataqtigiissaarisumut aalajangigassanngortillugit nassiunneqartassapput.

Imm. 3: Qinnuteqaammi aningaasat 250.000 koruunit sinnerlugit aningaasartallit Inerisaanermut Ataatsimiititaliamit aalangiiffigineqartussanngorlugit nassiunneqartassapput. Inerisaanermut ataatsimiititaliap qinnuteqaatit ataatsimiinnerminni aalangiiffigisassavaat. Qinnuteqaatit ullut suliffiusut qulit ataatsimiinnissaq sioqqullugu tunniunneqartassapput.

Imm. 4: Kommunimi immikkoortortaqruiup Peqqinneq Sunngiffillu pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 5: Qulaani aalajangersakkat Avannaata Kommuniani kommunalbestyrelsimut naammagittaalliutigineqarsinnapput.

§ 13: Immikkut ittumik qinnuteqaateqarsinnaatitaaneq:

Imm. 1: Immikkut ittumik qinnuteqartoqarsinnaavoq, nalilersorneqarpat pisoq immikkuullarissiq, aalajangersimasorluunniit tapiisarnermi ileqqoreqqusami allaqqanngittumik peqarpat.

Imm. 2: Qinnuteqaammi aningaasat 100.000 koruunit angullugit aningaasartallimmik qinnuteqartoqarpat ataatsimiititaliami siulittaasup aamma Borgmesterip akuersineratigut taperneqarsinnaapput.

Imm. 3: Qinnuteqaammi aningaasat 200.000 koruunit angullugit aningaasartallimmik qinnuteqartoqarpat ataatsimiititaliap akuersineratigut taperneqarsinnaapput.

Imm. 4: Qinnuteqaammi aningaasat 250.000 koruunit angullugit aningaasartallimmik qinnuteqartoqarpat Kommunalbestyrelsep akuersineratigut taperneqarsinnaapput.

§ 14: Tusarniaasarnerit:

Imm. 1: Tapiisarnermi ileqqoreqqusaq una ukiut tamaasa august-imi peqatigiiffinnut tamanut sumiiffinni tamaniittunut tusarniutigineqartassaaq.

Imm. 2: Tapiisarnermi ileqqoreqqusaq una pillugu tusarniaaneq september-imi peqatiiffinnik aggersaalluni isumasioqatigiisitsinikkut aamma ingerlanneqartassaaq.

Ileqqoreqqusaq Piorsarsimassutsimut, Atuartitaanermut Meeqqeriveqarnermullu Ataatsimiititaliamit akuerineqarpoq ulloq:

Paarnannguaq Mathiassen

Siulittaasoq

Ileqqoreqqusaq Avannaata Kommuniani Kommunalbestyrelsimit akuerineqarpoq ulloq:

Lars Erik Gabrielsen